



REPUBLIKA E SHQIPËRISË  
KËSHILLI I MINISTRAVE

V E N D I M

Nr. 1010, datë 9.12.2020

PËR

**PËRDORIMIN E FONDIT TË RINDËRTIMIT PËR FINANCIMIN  
E RIKONSTRUKSIONIT TË BANESAVE INDIVIDUALE DHE NJËSIVE  
TË BANIMIT NË NDËRTESA (PALLAT), NË BASHKITË  
VORË DHE KAVAJË**

Në mbështetje të nenit 100 të Kushtetutës, të neneve 13, shkronja “b”, nënndarja “i”, 25 e 36, të aktit normativ nr.9, datë 16.12.2019, të Këshillit Ministrave, “Për përballimin e pasojave të fatkeqësisë natyrore”, miratuar me ligjin nr.97/2019, të ligjit nr.9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, dhe të ligjit nr.88/2019, “Për buxhetin e vitit 2020”, të ndryshuar, me propozimin e ministrit të Shtetit për Rindërtimin, Këshilli i Ministrave

V E N D O S I:

1. Përdorimin e fondit të rindërtimit, në masën 47 800 000 (dyzet e shtatë milionë e tetëqind mijë) lekë, për financimin e rikonstruksionit të banesave individuale dhe të njësive të banimit në ndërtesa (pallat), për ata individë të cilët përfitojnë nga grantet e rikonstruksionit, banesat e të cilëve janë klasifikuar si objekte të dëmtuara rëndë apo të dëmtuara lehtë, si pasojë e fatkeqësisë natyrore, dhe që nuk duhen rindërtuar nga e para, në Bashkitë Vorë dhe Kavajë.
2. Efekti financiar, sipas pikës 1, të këtij vendimi, të përballohet nga pjesa e financuar nga grantet e fondit të rindërtimit, miratuar për vitin 2020, dhe t’u kalojë bashkive Vorë dhe Kavajë, për financimin e rikonstruksionit të banesave individuale dhe të njësive të banimit në ndërtesa (pallat), për ata individë të cilët përfitojnë nga grantet e rikonstruksionit, banesat e të cilëve janë klasifikuar si objekte të dëmtuara rëndë apo të dëmtuara lehtë, si pasojë e fatkeqësisë natyrore, dhe që nuk duhen rindërtuar nga e para, si më poshtë vijon:

- a) Bashkisë Vorë i transferohet fondi prej 8 650 000 (tetë milionë e gjashtëqind e pesëdhjetë mijë) lekësh;
- b) Bashkisë Kavajë i transferohet fondi prej 39 150 000 (tridhjetë e nëntë milionë e njëqind e pesëdhjetë mijë) lekësh.
3. Ngarkohen ministri i Shtetit për Rindërtimin, Ministria e Financave dhe Ekonomisë dhe bashkitë Vorë dhe Kavajë për zbatimin e këtij vendimi.

Ky vendim hyn në fuqi menjëherë dhe botohet në “Fletoren zyrtare”.

**K R Y E M I N I S T R I**

**ED I R A M A**

**Në mungesë dhe me porosi**

**ZËVENDËSKRYEMINISTRI**

**ERION BRAÇE**

MINISTRI I SHETIT  
PËR RINDËRTIMIN

ARBEN AHMETAJ

NR.PROT. 6289/1  
DATE 14.12. 2020

MINISTRIT TË SHTETIT PËR RINDËRTIMIN  
MINISTRISË SË FINANCAVE DHE EKONOMISË  
BASHKIVE VORË DHE KAVAJË  
QENDRËS SË BOTIMEVE ZYRTARE

**Sekretari i Përgjithshëm**

**Engjell AGAÇI**



A handwritten signature in blue ink, appearing to read 'Engjell Agaçi', is written over a circular official stamp. The stamp contains the text 'REPUBLIKË E SHQIPËRISË' at the top and 'KËSHILLI I MINISTRIT' at the bottom, with a central emblem.